



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

440. De ordinatione.

**urn:nbn:de:hbz:466:1-14622**

Vide supra  
cap. 329.

ter noster harum litterarum portitor, nomine Aduinus, non pro sua nequitia expulsus est à nobis; sed postulantibus fratribus nostris, eò quòd ex familia nostra fuit, dedimus ei libertatem receptam à cornu altaris canonicè, & ordinavimus eum ad gradum presbyterij; cui etiam has dimissorias sive commendatitias litteras fecimus, & eum ad vestram dilectissimam fraternitatem dirigimus, ut in vestra parrœchia sub vestro sacro regimine & defensione consistere valeat. Ego inquam in nomine P. Patris & F. Filij & A. Spiritus sancti, & in unitate sanctæ Ecclesiæ, in qua Petro datum est jus ligandi atque solvendi, absolvo Dado humilis Episcopus Presbyterum Aduinum de civitate Vvirdunensi Indictione IX. & licentiam do vobis, Rathbode venerabilis Archiepiscopo, inthronizandi eum in quacunque Ecclesia vultis vestræ parrœchiæ. Dilectam paternitatem vestram virtutum floribus insignitam omnipotens Deus conservare dignetur. Amen. P. F. A. P. Δ. A. P. Δ. Θ. D C C L X X V I I I. Data V. Id. Maij anno dominicæ incarnationis D C C C C V I. Indictione IX.

De ordinatione. *Ex epistola Gelasij Papa.*

Decreta Gelasij c. 11.  
Ivo var. 6.  
c. 74.  
\*Leg. id est, primi & quarti

C C C C X L. Ordinationes Presbyterorum & Diaconorum, quæ nisi certis temporibus & diebus exerceri non debent, \* quarti mensis jejunio, septimi, & decimi, sed etiam quadragesimalis initij ac mediana quadragesimæ die, sabbati jejunio circa vesperam noverrint celebrandas; nec cujuslibet utilitatis seu



Presbyterum seu Diaconum his præferre qui ante ipsos fuerint ordinati, aliquis præsumat.

Qualiter Episcopus debet ordinem facere.

*Ex Concilio Nannetensi.*

CCCCXLI. Episcopus quando ordinationes facere disponit, omnes qui ad sacrum ministerium accedere volunt, feria quarta ante ipsam ordinationem evocandi sunt ad civitatem unà cum Archipresbyteris qui eos repræsentare debent. Et tunc Episcopus è latere suo dirigere debet sacerdotes & alios prudentes viros gnaros legis divinæ & exercitatos in ecclesiasticis sanctionibus, qui ordinandorum vitam, genus, patriam, ætatem, institutionem, locum ubi educati sunt, si sint bene literati, si in lege Domini instructi, diligenter investigent. Ante omnia, si fidem catholicam firmiter teneant & verbis simplicibus adferre queant. Ipsi autem quibus hoc committitur cavere debent ne aut favoris gratia aut cujuscunque muneris cupiditate inlecti à vero deviant, ut indignum & minùs idoneum ad sacros gradus suscipiendos Episcopi manibus applicent. Quòd si fecerint, & ille qui indignè accessit, ab altari removebitur, & illi qui donum sancti Spiritus vendere conati sunt, coram Deo jam condemnati, ecclesiastica dignitate carebunt. Igitur per tres continuos dies diligenter examinentur. Et sic sabbato, qui probati inventi sunt, Episcopo repræsententur.

Concil. Nannet. c. 11.  
Burchard. lib. 2. c. 1.